

soe heuestu allene ghehouden een on-
lesschelic licht des gheloues inder
passien dijns lieuen kindes ende en
trouelste niet van sijne toecomeden
verrisemisse alstu vake van synen
mont ghehoert haddest. **A**s alle
sijn vrienden weren verstroeyt soe
heuestu o moeder myt een oetmoe-
dighe schare van vrouwen ghehaef-
tet totter steden van caluarian. ende
ghenghest onder die wrede schare
des volcks op dattu coemen mocht-
teste by dinen lieuen soene die ghe-
crucet solde worden op dattu hem
noch eens leuendich mochtst sien.
en op dattu toe voeren eer dat hie
starf van hem soldeste ontfanghe
een woert der guedertivere gheson-
dinghe. **I**ck benedie en loue dy en
prijsse dy hoechlick o onbelucte io-
fer **M**aria om dijn drouighe staen
by den cruce daer du langhe ver